

Liturgie zondag 21 april 2024
(d'n veerden zondag van Paosen)

Wat veuraf nog efkes ezegd worden mot (Welkom/mededelingen)

Zingen: leed 283:1,2,3,4,5

1. In `t geruzel van geluden in `t gedelder van de tied,
zeuke wi'j het zachte suuzen van het woord dat ons verbliejt.
2. Aoveral vandan ekommen, enen wel waorut wi'j drinkt,
bidde wi'j um nieje dreumen, kiekte wi'j waor de zonne blinkt.
3. Want wi'j – laevend op de zanden - raken in de biesterbaan,
vallend uut ow hart en handen, was `t - as dood - te slaopen gaon.
4. Laot ow dauw van vrede dalen in de voren van de tied.
Nemm' ons samen in de stralen die ow warmte gul ons biedt.
5. Die ons naam veur naam wil neumen: al zien Leefde laevenslang.
Priest zien Naam in owwe dreumen, allemaole, met gezang!

Waorde dee an alles veuraf gaot (bemoediging en groet)

Over het kyriegebed

Zingen: Leed 281:1,2,3,4,5

- 1 Wi'j zeukt, Heer, hier ow angezicht,
God, hol ow oog' op ons ericht:
Kyrie eleison!
- 2 At mangs den duuster'n ons verrast,
hol ons dan in oww' goodheid vast':
Kyrie eleison!
- 3 Verschien zo at den dag angeet,
I'j zonn', dee-t ons te wachten steet:
Kyrie eleison!
- 4 I'j roopt ons met ne ni'jen naam'
uut dit genadeloos bestaan:
Kyrie eleison!
- 5 Dat elkeen', dee-t zich tot ow wendt,
den glood van oww' genade kent.
Kyrie eleison!

Stille waen

Zingen: Leed 281:6,7,8,9,10 (Glorialeed)

6 De zonne straolt ow van 't gezicht'
en zet ons laeven in ow lecht.
Amen. Halleluja!

7 I'j hebt ow waord gestand edaon':
wi'j bunt met Christus op estaon'.
Amen. Halleluja!

8 Hee geet ons veur, is ons veuruut.
De schepping zunk zien' bliedschap uut:
Amen. Halleluja!

9 Het leed, van wee-t bunt veur egaon'
zet ons vandaag' tot zingen an:
Amen. Halleluja!

10 Vlam op in ons en spoor ons an!
Etreust zolle wi'j wieter gaon.
Amen. Halleluja!

Verhaal: het schilderijje

Zingen: Leed 1010:1,2

1 O kom toch met ow vrae, Heer,
wi'j laeft in haat en nied.
Al praot wi'j aover 'recht doon',
verspölt wi'j dat altied.
Op aerde wint het onrecht,
de löggen is de baas,
mek al 't zuuvre ón-echt.
Brenge, Heer, het al terecht!

2. O kom toch met ow vrae, Heer,
het duurt ons ál te lang.
D'r wordt zo voll 'eleden,
de mensen bunt zo bang'.
Wat kump, dat lik zo duuster,
niks, wat wi'j nog vertrouwt.
O, Jezus Christus, luuster:
dat wi'j toch op Ow bouwt.

Bidden bi'j 't losdoon van de Biebel

Laezen uut de Biebel: Ester: 4:11-17

Zingen: At ieder'n weg hier doodlöp (melodie: leed 562)

1 At ieder'n weg hier doodlöp,
gin bret mi'j wieter wis,
a-k in 't duuster taste,
in angst en in gemis:
een pad bezaeid met keien,
een land in dikken mist,
kan ik dan nog geleuven,
dat der een hemel is?

2 In 't diepste, dichtste duuster
kiekt mi'j Ow ogen an.
Zie zegt: 'Wat i'j ok metmaakt,
Ik wet der alles van.
In alles wa-j deurlaeft now,
bun Ik ow veur egaon.
Ik laot ow nooit allene,
zal altied naost ow staon.

Ovverdenking

Luustern naor orgelspel

Zingen: Waor a-j woont op dizze aerde
(melodie: 'Welke vriend is onze Jezus')

1 Waor a-j woont op dizze aerde
tussen bloemen of beton,
elken dag is der ni'j laeven,
elken dag een ni'je zonn'.
Elken dag een ni'je kans ok
um vanni'js op pad te gaon
en te zuken naor 't wonder
van den Heer in ons bestaon.

2 Waor a-j woont op dizze aerde,
tussen bloemen of beton,
mangs met twiefel, mangs met hoppe,
elken dag is der een zonn'.
Elken dag een ni'je kans ok
't woord van Christus te verstaon.

In de ogen van den ander,
zie-w: Hee is met ons begaon.

3 Waor a-j woont op dizze aerde,
tussen bloemen of beton,
tussen haat of tussen leefde,
elken dag is der een zonn'.
Elken dag een ni'je kans
ok samen waer op weg te gaon.
Samen warken in zien 'leefde:
Hee, de grond van ons bestaan.

Danken, bidden, stille waen, Onzen Vader

*Onze Vader, Ij dén in den hemel bunt,
ow name, laot dén eheilegd worden;
ow koninkriek, laot dát kommen;
ow wille, laot dén gebeurn op de aerde zo as in den hemel.
Geef ons noo het brood veur vandage
en vergeef ons onze schulden net as wij vergeeft dee bij ons in de schuld staot;
en laot ons neet uutprobeerd worden, maor maak ons vrij van den kwaojen.
Want van Ow is het koninkriek en de krach en de heerlekheid noo en alle dage.
Amen*

Zingen: Ezegend bunt de leu (op de melodie van leed 969)

1 Ezegend bunt de luu die laeft
op d'aosem van de wind.
Die in eur waord en wark verwaeft,
wat zie in dreume vindt.

2 Ezegend is 't waord, dat geet
as bode van 't lecht.
Dat oplocht waor verdriet besteet
en opkump veur het recht.

3 Ezegend hande die zacht 'heelt
en diepe glippen hecht.
Die in eur goeigheid uutbeeldt,
wat uut eur harten sprekt.

4 Ezegend is 't laevensspoor,
dat naor de toekomst wis.
Waor-t mensen liefhebt, daor is 't klaor,
dat God dicht 'bij ons is.

Waorde waormet wi'j verdan könt (wegzending en zegen)

Zingen: leed 415:3

3 Amen, amen, amen!
Laot 'wij neet beschamen
Jezus Christus, onzen Heer.
Amen God, ow name eer.

De leder komt uut het 'Leedbook in 't Achterhooks en Liemers' en de aanvulling op dit leedbook. Allemaole te vinden op www.dialectenreligie.nl